

歷代畫家詩文集

懷麓堂稿
(八)

臺灣學生書局 印行

歷代畫家詩文集

懷麓堂稿
(八)

臺灣學
生書局
印行

臺灣學
生書局
印行

PDG

東祀錄序

東陽生晚每按閱載籍及聞學士大夫談闕里之勝
心竊慕之成化庚子歸自南都道濟上洗馬羅先生
明仲要與偕行不果赴已而悔之久未有以遂也弘
治己未 宣聖廟災有 詔重建及今年甲子告成
上以為國家重典用國學時祭之製造內閣臣往祭
而東陽實承 勅以行禮成之後謁孔林登尼山經
曲阜挹洙泗之餘波訪鄒魯之遺風觀漢魏以來遺
文斷刻山川靈秀之秘禮樂聲容之美衣冠文物之
會信一時之盛也正事有雅成功有頌做諸古義蓋

竊有述焉顧 國哀新釋吉禮未絕又 朝廷方以
災異下修省之令閭閻之愁歎道塗之艱苦接乎目
而感之乎心燕不用樂遊不越境有無已太康之戒
殆不能盡其所欲言者且締姻孔氏迄今已閱五載
遂事之際過從遺問之所不能廢而南溪公以敬東
莊公以和後先捐館感事觸物又安能已於情哉凡
悲歡喜愕鬱抑宣洩之間一出於正雖不敢以自謂
而亦因以自考也自發軔至返櫂為日四十有七得
記序辭各一銘二文四奏疏五詩二十有八彙錄之
為卷乃冠以 勅文祝辭用志 王事之始而月日

地里及行事之次第交接之名氏皆附之昔省墓湖
湘則有南行藁校文南都則有北上錄故今名之曰
東祀錄云是歲五月二十三日書于西朝房

遣祭 勅文

勅太子太保戶部尚書兼謹身殿大學士李東陽此
因闕里文廟燬于回祿爰令有司重建厥功既成茲
遣卿往彼祭告夫

先師道德萬世之所宗鼎新廟庭一代之盛典以故
裡告之禮特委輔弼之臣卿其精白一心寅恭將事
務期

聖靈昭格以副朕隆師重道之懷事畢星馳回京欽
哉故勅

弘治十七年閏四月初七日

遣祭祝文

維弘治十七年歲次甲子閏四月辛酉朔越七日丁卯


皇帝謹遣太子太保戶部尚書兼謹身殿大學士李東陽致祭于

先師大成至聖文宣王

惟我

先師代天立教禮嚴報祀四海攸同嶽降在茲廟貌自古頃罹災變實警予衷爰飭有司命工重建越既五載厥工告成棟宇聿新器物咸備光昭儒道用妥

聖靈特遣輔臣遠將祭告尚祈歆鑒永享明禋謹告



東祀錄上

請書刻

御製碑題本

題為公務事先該巡撫山東都察院右副都御史徐源等奏闕里孔子廟修建落成續該禮部題乞御製碑文及遣官祭告等因奉

聖旨是遣尚書李東陽祭告欽此除欽遵外臣竊惟修建孔廟 朝廷重事而 御製碑文及遣祭祝文尤

陛下隆師重道之盛心是宜刻之金石以昭示萬世但本廟僻在一方恐無善寫楷書之人不能揚厲

宸章有孤 恩典臣奉將 使命事體相關乞令制
勅房中書舍人喬宗齋捧前項 御製文字往彼書
寫上石仍乞帶領工部文思院副使閻傑就彼鐫刻
事畢之日即令回京該部通行照例應付廩給脚力
便益等因奉

聖旨都准他該衙門知道欽此

代祀孔廟有述

我

皇重孔教廟祀嚴春秋睠茲闕里災有 命事崇修
憲使告成功封章達 宸旒儒臣奉明祭吉日夙已

譏靡監信 王事瀕行惟 國憂蒼黃變凶吉兩月
停余輶閨夏氣暄熱往茲難久留 黃扉地親切
使命渺無繇向非重道心詎敢息與游朝辭 魏闕
下暮宿張灣頭發軔芳草草計程勿悠悠江湖與廊
廟自古相為謀

憂旱詞

黃塵赤日無南北 平田見土不見麥秋麥垂垂盡枯
死春麥雖青不盈咫秋田種少未種多田家四顧無
妻子官河水淺舟不行潛舟不載南州名河西鈔關
坐不稅太倉稷稻何時至一春無雨過半夏貧民望

雨如望赦安得一雨如懸河坐今愁怨成歡歌我行
雖難柰樂何

天津

王帛都來萬國朝梯航南去接天遙千家市遠晨分
集兩岸沙平夜退潮貢賦舊通滄海運星辰高象洛
陽橋河山四塞喉襟地重鎮還須擁使輶

夜過滄州二絕

滄瀛直上海門深南北河流自古今牧馬尚談今日
事買牛須見古人心

野涼溪樹晚蕭颺淺掛輕帆泝急流獨坐船窓清不

聒聽風聽水過滄州

弔顏魯公公位所

下原之疆漢侯所邦慨胡孽之突起值唐廷之弗綱
列城失勢以風靡長途眯目而塵揚穴有首鼠轍無
怒螳彼二十有四郡豈一士之可望乃有循吏出守
忘臣作防既炳見于先幾復潛鋒於外攘練周兵于
立甸峙魯遂于芻糧方其開筵饗士灑涕沾裳威振
虎豹氣吞豺狼屹砥柱之中立任奔流之湯湯破衆
醜之心腹扼中原之喉吭隱犄角之交應與常山而
為雙當是時也飽宴安之醢毒嬰富貴之膏肓暴起

褒姒禍挺金張爭射利以賣國孰扶顛而裒傷如公
者狀貌不達于藏旒足跡不登于巖廊而乃身任國
紀義存天常悲舉世之莫變信斯人之孔臧及乎姦
相譎使彊藩脅降年既老而益壯辭不煩而愈昌指
山河而誓死與日月而爭光稽往謀之具載想英風
之未亡瞻廟貌之伊邇恨東芻之莫將莽川陸之既
暮見高原兮蒼蒼

將至德州徐都憲仲山來迓是夜微雨

說旱談荒夜不眠曉來衝雨各開船不辭飄灑沾衣
袂且愛依微入野田雲好不應風作崇路長真以日

為年無端又屬淹留坐醉下送一慙然

次日大雨入夜喜而有作

打窓鳴雨忽來過坐聽歡呼雜擢歌沙口渡喧人語
亂枕樓風急水聲多塵心最渴真消得農事雖宜柰
晚何七十二泉雲霧裏可能流潤入官河

過安平鎮減水石壩有懷劉司馬長句

黃陵岡頭河水黃衝沙走石聲礮礮北趨平原下廣
澤直壞運道無津梁空令漕舟百萬若山壅民船賈
舶徒紛龐

帝遣臺臣出治水水性硨兀難為降千金作埽萬夫